



Broj: SuPK-04-44/25-V
Brčko, 23.4.2026. godine

SAOPŠTENJE ZA JAVNOST

**OSNOVNI SUD BRČKO DISTRIKTA BOSNE I HERCEGOVINE IZREKAO
PRESUDU U KRIVIČNOM PREDMETU KOJI SE VODI PROTIV OPTUŽENIH
ALIJE DENJAGIĆA I ADMIRE RAMIĆ**

Danas je pred Osnovnim sudom Brčko distrikta Bosne i Hercegovine održano ročište za objavljivanje presude u krivičnom predmetu koji se vodi protiv optuženog Alije Denjagića, poslanika u Skupštini Brčko distrikta Bosne i Hercegovine, i optužene Admire Ramić, na kojem je sud javno objavio presudu kojom je optužene oglasio krivim da su učinili krivično djelo - Udruživanje radi počinjenja krivičnih djela - iz člana 334 stav (1) i (2) Krivičnog zakona Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj 19/20 – prečišćeni tekst, 3/04 i 14/24), u sticaju sa krivičnim djelom - Povreda slobode odlučivanja birača - iz člana 192 stav (1) navedenog zakona, a u vezi sa članom 54 citiranog Krivičnog zakona Brčko distrikta Bosne i Hercegovine.

Sud je optuženom Aliji Denjagiću za krivično djelo - Udruživanje radi počinjenja krivičnih djela - iz člana 334 stav (1) Krivičnog zakona Brčko distrikta Bosne i Hercegovine, utvrdio kaznu zatvora u trajanju od jedne (1) godine, dok je za krivično djelo - Povreda slobode odlučivanja birača - iz člana 192 stav (1) navedenog zakona, utvrdio kaznu zatvora u trajanju odjedne (1) godine, te mu je izrekao jedinstvenu kaznu zatvora u trajanju od jedne (1) godine i deset (10) mjeseci.

Optuženoj Admiri Ramić, sud je za krivično djelo - Udruživanje radi počinjenja krivičnih djela - iz člana 334 stav (2) u vezi sa stavom (1) Krivičnog zakona Brčko distrikta Bosne i Hercegovine, utvrdio kaznu zatvora u trajanju od tri (3) mjeseca, dok je za krivično djelo - Povreda slobode odlučivanja birača - iz člana 192 stav (1) navedenog zakona, utvrdio kaznu zatvora u trajanju od jedne (1) godine, te joj izrekao jedinstvenu kaznu zatvora u trajanju od jedne (1) godine i jednog (1) mjeseca.

Sud je u navedene izrečene kazne zatvora optuženima uračunao i vrijeme provedeno u pritvoru tokom trajanja krivičnog postupka.

Pored kazne zatvora, istom presudom sud je optuženom Aliji Denjagiću izrekao i mjeru bezbjednosti zabrane obavljanja dužnosti poslanika u Skupštini Brčko distrikta Bosne i Hercegovine u trajanju od sedam (7) godina, računajući od dana pravosnažnosti presude.

Sud je optužene obavezao da solidarno snose troškove krivičnog postupka.

U pitanju je prvostepena nepravosnažna presuda na koju stranke imaju pravo izjaviti žalbu Apelacionom sudu Brčko distrikta Bosne i Hercegovine.

POMOĆNIK SEKRETARA/PORTPAROL
PRAVOSUDNE KOMISIJE

Boris Gavrić